



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/25-3-40-296-6/21**
Datum: **11.11.2021. godine**

„Agencija za vodno područje rijeke Save“ Sarajevo rješavajući po zahtjevu pravnog lica „TATAREVIĆ“ d.o.o. Sanski Most, za izdavanje vodne dozvole za ispuštanje oborinskih onečišćenih voda i aktivnosti koje mogu imati specifične uticaje na vode prilikom izvođenja aktivnosti na lokaciji kamenoloma „Miljevci“ u naselju Miljevci, općina Sanski Most, na osnovu člana 139. stav (1) tačke 3. i 10. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98 i 48/99), donosi:

R J E Š E N J E **o vodnoj dozvoli**

1. Pravnom licu, „TATREVIĆ“ d.o.o. Sanski Most, daje se vodna dozvola za ispuštanje oborinskih onečišćenih voda i aktivnosti koje mogu imati specifične uticaje na vode prilikom izvođenja aktivnosti na lokaciji kamenoloma „Miljevci“, na zemljištu označenom kao k.č. broj 284, 322 i 383, K.O. Miljevci, a čije su granice istražnog polja odobrene Rješenjem Federalnog ministarstva energije, rudarstva i industrije broj: 06-18-300/08 donesenog dana 29.04.2009. godine, kojim se odobrava površinska eksploatacija mineralne sirovine dolomita unutar eksploatacionog polja „Miljevci“, Rješenjem Ministarstva privrede Unsko-sanskog kantona broj: 06-18-7909-UP-1/2013 od 22.07.2013. godine, kojim se dozvoljava izvođenje radova po Glavnom rudarskom projektu eksploatacije tehničkog građevinskog kamena – dolomita na ležištu „Miljevci“ te Ugovora o koncesiji br. KU 041/2013 za eksploataciju dolomita na ležištu „Miljevci“ u općini Sanski Most.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede vodoprivrede i šumarstva Unsko-sanskog kantona, u skladu sa članom 139. stav 2. tačka 1. i 2. Zakona o vodama.
3. Rješenje o vodnoj dozvoli se donosi na osnovu pregleda dokumentacije kojom raspolaže podnosilac zahtjeva, izvršenog uviđaja na površinskom kopu-kamenolomu i pod slijedećim uslovima:
 - 3.1. Da korisnik, u toku važenja ovog Rješenja, pristupi i izgradnju i zahvate prema dostavljenoj investiciono-tehničkoj dokumentaciji, urađenoj na nivou Glavnog projekta, za prikupljanje, prečišćavanje i ispuštanje otpadnih voda koje nastaju na lokalitetu površinskog kopa „Miljevci“ (sanitarno-fekalne, oborinske onečišćene vode, oborinske nezagađene vode i oborinske onečišćene vode sa kratera kopa) u definisani recipijent, a sve u skladu sa dostavljenim Glavnim projektom vanjskog uređenja za kamenolom Miljevci „TATAREVIĆ“ d.o.o. Sanski Most, urađenog od strane „EUROING“ d.o.o. Bihać pod brojem AGP 10-02/16 februara 2016. godine i revidiranim od strane DIWANX d.o.o. Sarajevo pod brojem 05-03/16 dana 03.03.2016. godine, u Sarajevu, u skladu sa dostavljenim dinamičkim planom izrađenim od strane ovlaštenog pravnog lica „Euroing“ d.o.o. Bihać pod brojem DP 05-11/21 od oktobra 2021. godine.

- 3.2. Korisnik mora obezbjediti da prečišćene otpadne vode prije ispuštanja u površinsku vodu moraju da zadovolje granične vrijednosti emisije iz tabele 1. Priloga 27. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20 i 96/20).
- 3.3. U cilju praćenja kvaliteta ispuštene prečišćene otpadne vode, potrebno je da se na odvodnom kolektoru a prije ispusta u prijemnik, predvidi izgradnja okna za monitoring, shodno Uredbi o uslovima ispuštanja otpadnih voda u okoliš i sisteme javne kanalizacije.
- 3.4. Otpadno ulje (rabljeno ulje), zauljeni otpadni materijal (filteri, krpe, pucvale i slično), ulje iz separatora, te talog iz taložnika potrebno je prikupljati u zasebnu ambalažu, u skladu sa propisima iz oblasti zaštite okoliša. Zbrinjavanje ovih otpada treba povjeriti firmi ovlaštenoj za zbrinjavanje opasnog otpada.
- 3.5. Metalne otpade potrebno je sakupiti u namjenske posude do odvoza od strane firme koja ovaj otpad koristi kao sirovinu.
- 3.6. U toku izvođenja radova kao i same eksploatacije opasni materijal i otpad ne smije ni privremeno odlagati na česticu «vodno dobro», odnosno u vodotok i na njegove obale.
- 3.7. Da se redovno vrši monitoring prečišćene oborinske onečišćene vode iz okna za monitoring shodno članovima 19. i 20. Uredbi o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostavi Agenciji u skladu sa istom Uredbom.

Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10).

4. Vlasnik, odnosno korisnik objekta je obavezan voditi propisane evidencije te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijentata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik „TATAREVIĆ“ d.o.o. Sanski Most je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ova vodna dozvola, shodno članu 26. stav (1) Uredbe o uslovima ispuštanja otpadnih voda u okoliš i sisteme javne kanalizacije se daje sa rokom važenja do **19.12.2023.** godine, od dana pravosnažnosti ovog rješenja.
9. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.
10. Uslov za izdavanje nove vodne dozvole je ispunjenje uslova iz dispozitiva ovog Rješenja.

Obrazloženje

Pravno lice „TATAREVIĆ“ d.o.o. Sanski Most, obratio se ovoj Agenciji dana 02.07.2021. godine sa zahtjevom za donošenje rješenja o vodnoj dozvoli za ispuštanje oborinskih onečišćenih voda (tehnološke vode) i aktivnosti koje mogu imati specifične uticaje na vode prilikom izvođenja radova na eksploataciji i preradi mineralne sirovine dolomita na lokaciji kamenoloma "Miljevci", na zemljištu označenom kao k.č. broj 284, 322 i 383 K.O. Miljevci, općina Sanski Most, a čije su granice eksploatacionog polja odobrene Rješenjem Federalnog ministarstva energije, rudarstva i industrije, a na kojem se vrši eksploatacija mineralne sirovine - dolomita.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Ovjerena kopija Rješenja o registraciji, broj: 017-0-Reg-11-000815, izdanog dana 29.11.2011. godine, od strane Općinskog suda u Bihaću,
- Ovjerena kopija Uvjerenja o poreznoj registraciji, izdanog dana 29.12.2003. godine, od strane Federalnog ministarstva finansija, Porezne uprave – Kantonalni ured BIHAĆ,
- Ovjerena kopija Uvjerenja o registraciji/upisu u Jedinostveni registar obveznika indirektnih poreza, izdanog od strane Uprave za indirektno-neizravno oporezivanje Banjaluka, broj 04/1-UPJR/1-1052-2/08, dana 22.02.2008. godine, u Banjaluci,
- Kopija uplatnice upravne pristojbe,
- Kopija rješenja, kojim se privrednom društvu „Tatarević“ d.o.o. Sanski Most odobrava površinska eksploatacija industrijske mineralne sirovine dolomita unutar granica eksploatacionog polja „Miljevci“ na području općine Sanski Most; izdano od strane Federalnog ministarstva energije, rudarstva i industrije pod brojem Up/I broj:06-18-300/08 dana 29.04.2009. godine, u Mostaru,
- Kopija rješenja, kojim se privrednom društvu „Tatarević“ d.o.o. Sanski Most dozvoljava izvođenje radova po Glavnom rudarskom projektu eksploatacije tehničkog građevinskog kamena-dolomita na ležištu „Miljevci“ kod Sanskog Mosta; izdano od strane Ministarstva privrede Unsko-sanskog kantona pod brojem 06-18-7909-UP-1/2013 dana 22.07.2013. godine, u Bihaću,
- Kopija Ugovora o koncesiji br. KU 041/2013 za eksploataciju dolomita na ležištu „Miljevci“ u općini Sanski Most, zaključne sa koncesorom – Ministarstvom privrede Unsko-sanskog kantona dana 19.06.2013. godine u Bihaću pod brojem 1906/13, odnosno brojem 06-18-6571-1/13,
- Rješenje o istekloj vodnoj dozvoli izdatoj od strane AVP rijeke Save pod brojem UP-I/25-3-40-290-4/16 od dana 13.06.2016. godine
- Glavni projekt vanjskog uređenja za kamenolom Miljevci „TATAREVIĆ“ d.o.o. Sanski Most; urađen od strane EUROING d.o.o. Bihać pod brojem AGP 10-02/16 februara 2016. godine te revidirnog od strane DIWANX d.o.o. Sarajevo pod brojem 05-03/16 dana 03.03.2016. godine, u Sarajevu,
- Dinamički plan izrađen od strane ovlaštenog pravnog lica „Euroing“ d.o.o. Bihać pod brojem DP 05-11/21 od oktobra 2021. godine.
- Zaključak o visini i roku za plaćanje posebnih troškova, izdanog od strane ove Agencije, broj UP-I/25-3-40-296-4/21, dana 20.10.2021. godine, te kopija uplatnice za iste.

Nakon pregleda dostavljene dokumentacije, u skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj: 31/15, 55/19, 41/20), izvršen je pregled lokaliteta kamenoloma "Miljevci", koji se koristi od strane „TATAREVIĆ“ d.o.o. Sanski Most, i tom prilikom sačinjen zapisnik o uviđaju, broj: UP-I/25-3-40-296-5/21 od 27.10.2021. godine, pri čemu je utvrđeno:

Predmetni kamenolom "Miljevci" je lociran u naselju Miljevci, općina Sanski Most.

Eksploataciono polje je površine 4,0 ha ograničeno prelomnim tačkama označenim kao: A, A1, B1, C1, D, i E koje su definisane koordinatama (x,y):

Prelomne tačke	koordinate	
	y	x
A	5 615 600	4 958 825
A1	5 615 625	4 958 825
B1	5 615 680	4 958 920
C1	5 615 680	4 959 120
D	5 615 550	4 959 120
E	5 615 513	4 958 893

kako je definisano gore navedenim Rješenjem Federalnog ministarstva energije, rudarstva i industrije broj: 06-18-300/08 dana 29.04.2009. godine, kojim se odobrava površinska eksploatacija mineralne sirovine dolomita unutar eksploatacionog polja „Miljevci“, Rješenjem Ministarstva privrede Unsko-sanskog kantona broj: 06-18-7909-UP-1/2013 od 22.07.2013. godine, kojim se dozvoljava izvođenje radova po Glavnom rudarskom projektu eksploatacije tehničkog građevinskog kamena – dolomita na ležištu „Miljevci“ te Ugovora o koncesiji br. KU 041/2013 za eksploataciju dolomita na ležištu „Miljevci“ u općini Sanski Most.

Na predmetnom kamenolomu, u vrijeme izvršenja uviđaja, su postojali slijedeći objekti i mašine/postrojenja: postrojenje za drobljenje kamenog agregata, postrojenje separacije drobljenog kamena, bager i utovarivač te tri kamiona za odvoz kamena, zidani objekt koji služi kao radionica za održavanje radnih mašina sa upravnim i sanitarnim prostorijama.

Na predmetnom lokalitetu, u vrijeme izvršenja uviđaja su vršeni radovi na eksploataciji mineralne sirovine na dvije etaže, dok se na trećoj etaži vrši uklanjanje površinskog sloja jalovine.

Na prostoru predmetnog kamenoloma trenutno nije omogućen priključak na javni gradski vodovodni niti kanalizacioni sistem. Za piće se koristi flaširana voda, a za sanitarne svrhe se voda dovozi u kontejneru.

Oborinske vode sa internih saobraćajnih i parkirnih površina, radnih površina kopa te skladišnih površina gotovih proizvoda, a koje mogu da sadrže produkte naftnih derivata sa radnih mašina i vozila u prometu internog saobraćaja, kao i suspendirane materije sa radnih mašina i gotovih proizvoda se najvećim dijelom zadržavaju unutar istražnog polja te slijevaju ka prirodnom jezercu unutar eksploatacionog polja te se prelijevaju u cestovni kanal prilazne makadamske ceste, bez prethodnog tretmana.

Nije izveden predviđeni obodni kanali za prihvatanje oborinskih voda sa radnog prostora kamenoloma, niti taložnik sa kontrolnim šahtom niti je izveden predviđeni plato za tankovanje radnih mašina.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama Zakona o vodama, Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka konstatuje se da je podnosilac zahtjeva „TATAREVIĆ“ d.o.o. Sanski Most, obratio se ovoj Agenciji dana 02.07.2021. godine sa zahtjevom za donošenje rješenja o vodnoj dozvoli ispunio minimum uslova za izdavanje vodne dozvole za ispuštanje oborinskih onečišćenih voda (tehnološke vode) i aktivnosti koje mogu imati specifične uticaje na vode prilikom izvođenja radova na eksploataciji i preradi mineralne sirovine dolomita na lokaciji kamenoloma "Miljevci", na zemljištu

označenom kao k.č. broj 284, 322 i 383 K.O. Miljevci, općina Sanski Most, te je riješeno kao u dispozitivu ovog Rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Fuad Mujagić, dipl. inž.

Po ovlaštenju
Rukovodilac sektora za izdavanje vodnih akata



Haris Ališehović, dipl. inž. građ.

Dostaviti:

- „TATAREVIĆ“ d.o.o. Sanski Most,
Naprelje 96, 79 260 Sanski Most
- Ⓣ AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča - AVP Sava